



# SLUŽBENI GLASNIK

## OPĆINE BUŽIM

Godina XXIV - Broj 2	01. 05. 2019 BUŽIM	Izdanje na bosanskom jeziku
----------------------	-----------------------	--------------------------------

38.

Na osnovu člana 24. stav 1. tačka 16. Statuta općine Bužim ( „Službeni glasnik općine Bužim“, broj: 12/15), na osnovu članova od 181. do 184, a u vezi sa članom 185. Poslovnika o radu, Općinskog vijeća općine Bužim („Službeni glasnik općine Bužim“ broj: 3/16), Općinsko vijeće općine Bužim, na VII vanrednoj sjednici održanoj dana 28.03.2019. godine, **usvojilo je:**

### RJEŠENJE

**o razrješenju Predsjedavajućeg Općinskog vijeća općine Bužim**

I

Razrješava se Safet Ljubijankić iz Mz Radoč, općina Bužim, predsjedavajući Općinskog vijeća općine Bužim.

II

Ovo Rješenje stupa na snagu danom donošenja, a objavit će se u Službenom glasniku općine Bužim.

III

Stupanjem na snagu ovog Rješenja prestaje da važi Rješenje o imenovanju Predsjedavajućeg Općinskog vijeća općine Bužim, broj: 01-05-

3434/16 od dana 14.11.2016. godine („Službeni glasnik općine Bužim“ broj: 10/16).

Bužim, 28.03.2019

OPĆINSKOG VIJEĆA

Šefik Veladžić, s.r.

Broj: 01-05-918-1/19 PREDSEDavajući

Bužim, 28.03.2019 OPĆINSKOG VIJEĆA

Šefik Veladžić, s.r.

### 39.

Na osnovu člana 24. stav 1. tačka 16. Statuta općine Bužim („Službeni glasnik općine Bužim“, broj: 12/15), na osnovu članova od 181. do 184. a u vezi sa članom 185. Poslovnika o radu, Općinskog vijeća općine Bužim („Službeni glasnik općine Bužim“ broj: 3/16), Općinsko vijeće općine Bužim, na VII vanrednoj sjednici održanoj dana, 28.03.2019. godine, **usvojilo je:**

#### RJEŠENJE

##### **o razrješenju zamjenika predsjedavajućeg Općinskog vijeća općine Bužim**

#### I

Razrješava se Indira Bosnić iz Mz Lubarda, općina Bužim, zamjenik predsjedavajućeg Općinskog vijeća općine Bužim

#### II

Ovo Rješenje stupa na snagu danom donošenja, a objavit će se u Službenom glasniku općine Bužim.

#### III

Stupanjem na snagu ovog Rješenja prestaje da važi Rješenje o imenovanju zamjenika Predsjedavajućeg Općinskog vijeća općine Bužim, broj: 01-05-3465/16 od dana 14.11.2016. godine („Službeni glasnik općine Bužim“ broj: 10/16).

Broj: 01-05-918-3/19 PREDSEDavajući

### 40.

Na osnovu člana 11. stava 2. tačke a), 1) Zakona o državnoj službi Unsko-sanskog kantona („Službeni glasnik Unsko-sanskog kantona“, broj: 14/17 i 16/17), člana 24. Statuta općine Bužim („Službeni glasnik općine Bužim“, broj: 12/15) i člana 186. stav 2. Poslovnika Općinskog vijeća općine Bužim („Službeni glasnik općine Bužim“, broj: 3/16), Općinsko vijeće općine Bužim, na VII vanrednoj sjednici održanoj dana, 28.03.2019. godine, **usvojilo je:**

#### RJEŠENJE

##### **o razrješenju sekretara Općinskog vijeća općine Bužim**

1. Mulalić (Šefik) Vahid, diplomirani pravnik sa završenim VII stepenom stručne spreme, iz Bužima, razrješava se dužnosti Sekretara Općinskog vijeća općine Bužim – Sekretar sa posebnim zadatkom.

2. Protiv ovog Rješenja o razrješenju nije dopuštena žalba, ali se može pokrenuti upravni spor.

3. Rješenje stupa na snagu danom donošenja, a objavit će se u Službenom glasniku općine Bužim.

#### OBRAZLOŽENJE

Rješenjem broj: 01/1-34-2382/13 od 01.07.2013. godine Mulalić (Šefik) Vahid postavljen je, imenovan je za Sekretara Općinskog vijeća općine Bužim na mandat od 5 (pet) godina.

Rješenjem broj: 01-34-2220/18 od 24.07.2018. godine imenovani je postavljen na radno mjesto Sekretara Općinskog vijeća općine Bužim – Sekretar sa posebnim zadatkom bez provedenog konkursa kako je propisano članom 12. stav 3. Zakona o državnoj službi Unsko-sanskog kantona

(„Službeni glasnik Unsko-sanskog kantona“, broj: 14/17 i 16/17).

Budući da imenovani nije u skladu sa članom 43. Zakona o državnoj službi Unsko-sanskog kantona („Službeni glasnik Unsko-sanskog kantona“, broj: 14/17 i 16/17) dostavljao redovne godišnje izvještaje, čime je organu koji ga je postavio na tu poziciju onemogućio ocjenu svoga rada i rada Stručne službe Općinskog vijeća općine Bužim, primjenom člana 24. stav 1. tačka 18. Statuta općine Bužim („Službeni glasnik općine Bužim“, broj: 12/15) imenovani je razrješen dužnosti Sekretara Općinskog vijeća općine Bužim.

Na osnovu naprijed navedenog primjenom člana 11. stava 2. tačke a), 1) Zakona o državnoj službi Unsko-sanskog kantona („Službeni glasnik Unsko-sanskog kantona“, broj: 14/17 i 16/17) riješeno je kao u dispozitivu ovog Rješenja.

Protiv ovog Rješenja nije dopuštena žalba, ali se može pokrenuti upravni spor.

Broj: 01-05-918-5/19                      PREDSEDavajući  
Bužim, 28.03.2019                      OPĆINSKOG VIJEĆA  
**Šefik Veladžić, s.r.**

-----

**41.**

Na osnovu člana 24. stav 1. tačka 16. i člana 28. stav 1. Statuta općine Bužim („Službeni glasnik općine Bužim“, broj: 12/15), članova od 70. Poslovnika o radu Općinskog vijeća općine Bužim („Službeni glasnik općine Bužim“ broj: 3/16), Općinsko vijeće općine Bužim, na prijedlog Komisije za izbor, imenovanje i mandatno-imunitetska pitanja, na VII vanrednoj sjednici održanoj dana 28.03. 2019. godine, **usvojilo je:**

**RJEŠENJE**

**o imenovanju Predsjedavajućeg Općinskog vijeća Bužim**

**I**

Za Predsjedavajućeg Općinskog vijeća općine Bužim imenovan je ŠEFIK VELADŽIĆ, JMBG 1802965111088 iz Mz Varoška Rijeka, općina Bužim.

**II**

Ovo Rješenje stupa na snagu danom donošenja, a objavit će se u Službenom glasniku općine Bužim.

Broj: 01-05-918-2/19                      PREDSEDavajući  
Bužim, 28.03.2019                      OPĆINSKOG VIJEĆA  
**Šefik Veladžić, s.r.**

-----

**42.**

Na osnovu člana 24. stav 1. tačka 16. i člana 28. stav 1. Statuta općine Bužim („Službeni glasnik općine Bužim“, broj: 12/15), članova od 70. Poslovnika o radu Općinskog vijeća općine Bužim („Službeni glasnik općine Bužim“ broj: 3/16), Općinsko vijeće općine Bužim, na prijedlog Komisije za izbor, imenovanje i mandatno-imunitetska pitanja, na VII vanrednoj sjednici održanoj dana 28.03.2019. godine, **usvojilo je:**

**RJEŠENJE**

**o imenovanju zamjenika predsjedavajućeg Općinskog vijeća Bužim**

**I**

Za zamjenika predsjedavajućeg Općinskog vijeća općine Bužim imenovan je HASAN HILIĆ, JMBG 3006970111068 iz Mz Elkasova Rijeka, općina Bužim.

**II**

Ovo Rješenje stupa na snagu danom donošenja, a objavit će se u Službenom glasniku općine Bužim.

Broj: 01-05-918-4/19           PREDSJEDAVAJUĆI  
Bužim, 28.03.2019           OPĆINSKOG VIJEĆA  
                                    **Šefik Veladžić, s.r.**

-----

**43.**

Na osnovu člana 8. i 9. Odluke o utvrđivanju pravila i procedura za provođenje javnog konkursa za izbor sekretara Općinskog vijeća općine Bužim, broj: 01-05-918-6/19. od 28.03.2019. godine, člana 1. Odluke o utvrđivanju koeficijenta za plaće zaposlenih Stručne službe Općinskog vijeća općine Bužim („Službeni glasnik općine Bužim“ broj: 15/14), člana 8. i 10. Pravilnika o plaćama i naknadama uposlenih u Stručnoj službi Općinskog vijeća općine Bužim („Službeni glasnik općine Bužim“ broj: 2/15.), Predsjedavajući Općinskog vijeća općine Bužim, **donosi:**

**R J E Š E N J E**

**o utvrđivanju prava iz radnog odnosa po osnovu obavljanja dužnosti vršioca dužnosti sekretara Općinskog vijeća općine Bužim**

1. Duraković (Memaga) Idriz iz Bužima, po zanimanju dipl. pravnik, ovlašten je za obavljanje poslova vršioca dužnosti sekretara Općinskog vijeća općine Bužim, Odlukom Općinskog vijeća općine Bužim, broj: 01-05-918-6/19. od 28.03.2019. godine.
2. Imenovani je dužnost preuzeo odmah nakon donošenja odluke, a poslove vršioca dužnosti sekretara općinskog vijeća isti će obavljati do imenovanja sekretara vijeća.
3. U skladu sa članom 9. Odluke, ovim rješenjem Imenovanom se utvrđuju prava iz radnog odnosa po osnovu obavljanja dužnosti sekretara Općinskog vijeća općine Bužim.
4. Za obavljanje poslova radnog mjesta Imenovan je svrstan u I platni razredi i istom pripada koeficijent

u visini 4,85, a osnovna plata se utvrđuje tako što se osnovica za obračun plate koju utvrdi Općinski načelnik u dogovoru sa Sindikatom pomnoži sa koeficijentom 4,85 i tako utvrđeni iznos uveća za 0,5 % za svaku započetu godinu penzijskog staža, a najviše 20%.

5. Imenovani ostvaruje i ostala prava iz radnog odnosa koje nemaju karakter plaće-topli obrok, kao i druga prava iz radnog odnosa kao i ostali uposlenici organa uprave općine Bužim.

6. Za obračun plaće po ovom rješenju starat će se Služba za finansije i trezor.

7. Rješenje stupa na snagu danom donošenja, a isto će se objaviti u Službenom glasniku općine Bužim.

**Obrazloženje**

Članom 8. Odluke o utvrđivanju pravila i procedura za provođenje javnog konkursa za izbor sekretara Općinskog vijeća općine Bužim, broj: 01-05-918-6/19. od dana 28.03.2019. godine Idriz Duraković, po zanimanju dipl.pravnik, ovlašten je za obavljanje poslova vršioca dužnosti sekretara Općinskog vijeća općine Bužim. Imenovani je dužnost sekretara vijeća preuzeo odmah nakon donošenja Odluke, a istu će obavljati sve do imenovanja sekretara općinskog vijeća.

U skladu sa članom 9. Odluke, ovim rješenjem Imenovanom se utvrđuju prava iz radnog odnosa po osnovu obavljanja dužnosti vršioca dužnosti sekretara Općinskog vijeća.

Osnov za obračun plaće jeste član 1. Odluke o utvrđivanju koeficijenta za plaće zaposlenih Stručne službe Općinskog vijeća općine Bužim („Službeni glasnik općine Bužim“ broj: 14/15.) prema kojoj je Imenovani svrstan u I platni razred i istom pripada koeficijent u visini 4,85. Osnovna plata se utvrđuje tako što se osnovica za obračun plate koju utvrdi Općinski načelnik u dogovoru sa Sindikatom pomnoži sa koeficijentom 4,85 i tako utvrđeni iznos uveća za 0,5 % za svaku započetu godinu penzijskog staža, a najviše 20%.

Imenovani ostvaruje i ostala prava iz radnog odnosa koje nemaju karakter plaće-topli obrok, kao

i druga prava iz radnog odnosa kao i ostali uposlenici organa uprave općine Bužim.

Slijedom gore iznesenog odlučeno je kao u dispozitivu rješenja.

Pouka o pravnom lijeku: Protiv ovog rješenja Imenovani može izjaviti žalbu Komisiji za žalbe u drugom stepenu u roku od 8 (osam) dana od dana prijema rješenja.

Broj: 01-05-918-6-1/19 PREDSEDavajući

Bužim, 28.03.2019 OPĆINSKOG VIJEĆA

Šefik Veladžić, s.r.

#### 44.

Na osnovu člana 12. stava 3. Zakona o državnoj službi Unsko-sanskog kantona („Službeni glasnik Unsko-sanskog kantona“, broj: 14/17 i 16/17), člana 24. stava 2. Statuta općine Bužim („Službeni glasnik općine Bužim“, broj: 12/15) i člana 186. stav 2. Poslovnika Općinskog vijeća općine Bužim („Službeni glasnik općine Bužim“, broj: 3/16) Općinsko vijeće općine Bužim, na VII vanrednoj sjednici, održanoj dana 28.03.2019. godine, **usvojilo je:**

### **O D L U K U**

#### **o utvrđivanju pravila i procedura za provođenje javnog konkursa za izbor sekretara Općinskog vijeća općine Bužim**

##### **Član 1.**

Ovom odlukom se utvrđuju pravila i procedure za provođenje Javnog konkursa (u daljem tekstu: Konkurs) za izbor sekretara Općinskog vijeća općine Bužim.

##### **Član 2.**

Javni konkurs će se objaviti u jednom sedmičnom ili dnevnom listu.

##### **Član 3.**

Javni konkurs sadrži opće uslove za postavljanje državnog službenika i posebne uslove, opis poslova radnog mjesta utvrđen u Pravilniku o unutrašnjoj organizaciji i sistematizaciji Stručne službe Općinskog vijeća, te popis dokumenata koji se prilažu uz prijavu na Konkurs.

##### **Član 4.**

Za provođenje Konkursa imenuje se Komisija za izbor sekretara Općinskog vijeća općine Bužim (u daljem tekstu: Komisija), u sastavu:

1. Husein Duranović, predsjednik Komisije
2. Elvira Muratović, član
3. Senad Krupić, član

##### **Član 5.**

Komisija iz člana 4. će izvršiti objavu Konkursa nakon isteka roka za dostavljanje prijave, sačiniti zapisnik o pristiglim prijavama, te sastaviti listu kandidata koji ispunjavaju uslove Konkursa.

Zapisnik i listu kandidata koji ispunjavaju uslove Konkursa Komisija dostavlja bez odlaganja Općinskom vijeću općine Bužim.

##### **Član 6.**

Općinsko vijeće općine Bužim će nakon dostavljene liste kandidata koji ispunjavaju uslove Konkursa izvršiti izbor i imenovanje sekretara Općinskog vijeća općine Bužim.

##### **Član 7.**

Za sekretara Općinskog vijeća Općine Bužim bit će imenovan kandidat koji dobije natpolovičnu većinu glasova svih članova Općinskog vijeća Općine Bužim.

##### **Član 8.**

Do imenovanja sekretara Općinskog vijeća općine Bužim, u skladu sa Zakonom o državnoj službi Unsko-sanskog kantona („Službeni glasnik Unsko-sanskog kantona“, broj: 14/17 i 16/17) i odredbama ove Odluke, poslove sekretara će po

ovlaštenju obavljati vršilac dužnosti sekretara Duraković Idriz, dipl. pravnik iz Bužima.

Imenovani dužnost sekretara preuzima odmah nakon donošenja ove Odluke.

#### Član 9.

O pravima iz radnog odnosa v.d. sekretara iz prethodnog člana odlučuje Predsjedavajući Općinskog vijeća općine Bužim posebnim rješenjem, a sve u skladu sa Pravilnikom o plaćama i naknadama Stručne službe Općinskog vijeća općine Bužim, te drugim propisima iz radnih odnosa Jedinственog općinskog organa uprave Općine Bužim.

#### Član 10.

Ova Odluka stupa na snagu danom donošenja i objavljuje se u "Službenom glasniku Općine Bužim".

Stupanjem na snagu ove Odluke stavlja se van snage Odluka broj: 01/1-05-2277/13 od 28.05.2013. godine.

Broj: 01-05-918-6/19                      PREDSEDVAJUĆI  
Bužim, 28.03.2019                      OPĆINSKOG VIJEĆA  
**Šefik Veladžić, s.r.**

#### 45.

Na osnovu člana 24. Statuta općine Bužim („Službeni glasnik općine Bužim“, broj: 12/15.), člana 116. i 118. stav 3. Poslovnika o radu Općinskog vijeća općine Bužim („Službeni glasnik općine Buži“ broj: 3/16.) Općinsko vijeće općine Bužim, na VII vanrednoj sjednici održanoj dana, 28.03.2019. godine, usvojilo je:

### ZAKLJUČAK

I

Traži se od upravljačkih struktura Javne Ustanove „Centar za kulturu, sport i informisanje“ Bužim, da obustave sve aktivnosti oko provođenja procedure zapošljavanja novih radnika do konačnog imenovanja stalnih Upravljačkih struktura u Javnoj Ustanovi u skladu sa Zaključkom usvojen na predhodnoj sjednici Općinskog vijeća.

#### II

Zaključak objaviti u Službenom glasniku općine Bužim

Broj: 01-05-939-8/19                      PREDSEDVAJUĆI  
Bužim, 28.03.2019                      OPĆINSKOG VIJEĆA  
**Šefik Veladžić, s.r.**

#### 46.

Na osnovu člana 24. i 71. Statuta Općine Bužim („Službeni glasnik Općine Bužim“, broj: 12/15) i člana 118. Poslovnika o radu Općinskog vijeća općine Bužim („Službeni glasnik općine Bužim“ broj: 3/16), Općinsko vijeće Općine Bužim na VII vanrednoj sjednici, održanoj dana 28.03.2019. godine, **usvojilo je:**

#### ODLUKU

#### **o izmjenama Odluke o raspisivanju izbora za članove savjeta mjesnih zajednica i predsjednike mjesnih zajednica**

#### Član 1.

U Odluci o raspisivanju izbora za članove savjeta mjesnih zajednica i predsjednike mjesnih zajednica („Službeni glasnik Općine Bužim“ broj: 5/18) i Odluci o izmjeni Odluke o raspisivanju izbora za članove savjeta mjesnih zajednica i predsjednike mjesnih zajednica ("Službeni glasnik općine Bužim", broj: 11/18) vrše se sljedeće izmjene:

Izmijenjeni član 5. Odluke koji glasi:

"Izbori za članove savjeta i predsjednike mjesnih zajednica zakazani za dan 27.04.2019. godine, u vremenu od 08-17 sati u prostorijama mjesnih zajednica, škola i drugim pogodnim prostorijama",

mijenja se i glasi:

"(Vrijeme i mjesto održavanje izbora)

Izbori za članove savjeta i predsjednike mjesnih zajednica zakazani za dan 27.04 2019. godine, u vremenu od 08-17 sati u prostorijama mjesnih zajednica, škola i drugim pogodnim prostorijama, odgađaju se do daljnjeg.

Vrijeme održavanja izbora iz prethodnog stava utvrdit će Općinsko vijeće na nekoj od narednih sjednica".

### **Član 2.**

Predsjednicima mjesnih zajednica i članovima savjeta mjesnih zajednica na području općine Bužim, produžava se mandat i traje do okončanja izbornog postupka, odnosno do donošenja Odluke o potvrđivanju rezultata izbora za organe mjesnih zajednica na području općine Bužim.

### **Član 3.**

Ova Odluka stupa na snagu danom donošenja, a objavit će se u Službenom glasniku Općine Bužim.

Broj: 01-05-939-7/19

PREDSJEDAVAJUĆI

Bužim, 28.03.2019

OPĆINSKOG VIJEĆA

**Šefik Veladžić, s.r.**

-----

## S A D R Ž A J

38. RJEŠENJE o razrješenju Predsjedavajućeg Općinskog vijeća općine Bužim.....	1
39. RJEŠENJE razrješenju zamjenika predsjedavajućeg Općinskog vijeća općine Bužim ..	2
40. RJEŠENJE o razrješenju sekretara Općinskog vijeća općine Bužim .....	2
41. RJEŠENJE o imenovanju Predsjedavajućeg Općinskog vijeća Bužim .....	3
42. RJEŠENJE o imenovanju zamjenika predsjedavajućeg Općinskog vijeća Bužim .....	3
43. RJEŠENJE o utvrđivanju prava iz radnog odnosa po osnovu obavljanja dužnosti vršioca dužnosti sekretara Općinskog vijeća općine Bužim .....	4
44. ODLUKA o utvrđivanju pravila i procedura za provođenje javnog konkursa za izbor sekretara Općinskog vijeća općine Bužim.....	5
45. ZAKLJUČAK, broj 01-05-939-8/19.....	6
46. ODLUKA o izmjenama Odluke o raspisivanju izbora za članove savjeta mjesnih zajednica i predsjednike mjesnih zajednica .....	6

---

---

**Izdavač:** Općina Bužim

**Obrađivač:** Stručna služba Općinskog vijeća

**Štampa:** Služba za opću upravu i društvene djelatnosti